

ROBERTS, JOHN ('Alaw Elwy,' ac wedi hynny 'Telynor Cymru'; 1816 - 1894), cerddor

**Enw:** John Roberts  
**Ffugenw:** Alaw Elwy, Telynor Cymru  
**Dyddiad geni:** 1816  
**Dyddiad marw:** 1894  
**Priod:** Eleanor Alabama (née Wood Jones)  
**Plentyn:** Mary Ann Wood (née Roberts)  
**Plentyn:** Sarah Wood (née Roberts)  
**Plentyn:** Ann Roberts  
**Plentyn:** Lloyd Wynne Roberts  
**Plentyn:** Abraham Roberts  
**Plentyn:** Madoc Roberts  
**Plentyn:** John Roberts  
**Plentyn:** James England Roberts  
**Plentyn:** Reuben France Roberts  
**Plentyn:** Albert Roberts  
**Plentyn:** Ernest Roberts  
**Plentyn:** Charles Roberts  
**Plentyn:** William Roberts  
**Rhiant:** Sarah Lewis (née Wood)  
**Rhiant:** John Robert Lewis  
**Rhyw:** Gwryw  
**Galwedigaeth:** cerddor  
**Maes gweithgaredd:** Cerddoriaeth; Perfformio  
**Awdur:** Robert David Griffith

Ganwyd yn Rhiwlas Isaf, Llanrhaeadr, ger Dinbych, mab John Roberts o Bentrefoelas, baledwr a fu ym mrwydr Waterloo, ac a oedd (meddir) yn gefnder i [John Roberts](#) yr almanaciwr. Ei fam oedd Sarah, ferch [William Wood](#), a chwaer i [Archelaus Wood](#).

Dechreuodd ei yrfa yn y Gatrawd 23 ('Royal Welch Fusiliers'), a bu ynddi am naw mlynedd a hanner. Wedi ymryddhau o'r fyddin, ymsefydlodd yn y Drefnewydd, ac yno y bu byw hyd ei farwolaeth. Dysgwyd ef i ganu'r delyn gan frawd ei fam.

Yn 1836 priododd Eleanor Wood Jones, merch [Jeremiah Wood Jones](#).

Bu'n ddisgybl i [Richard Roberts](#), Caernarfon, a daeth yn delynor enwog ac yn ganwr penillion rhagorol. Enillodd y delyn deirres yn eisteddfod y Fenni, 1842, a'r brif wobr yn 1848. Enillodd y delyn yn eisteddfod Caerdydd, 1850. Cafodd yr anrhydedd

o ganu'r delyn o flaen y frenhines yn Portsmouth, 1834, ac yn Winchester ddwywaith (1835), yn 1847 o flaen y dug Constantine o Rwsia (yn Aberystwyth), a brenin Belgium (yn Abertawe, 1848). Dysgodd naw o'i blant i ganu'r delyn, y ffidil, a'r fflwiwt, a rhoesant gyngerdd o flaen y frenhines yn y Pale, Llandderfel, yn 1889. Rhoddodd heibio y ffugenw 'Alaw Elwy,' ac yn arwest farddol Glan Geirionydd urddwyd ef gan '[Gwilym Cowlyd](#)' yn 'Telynor Cymru' yn 1886.

Siaradai Romani'n rhugl. Bu farw 11 Mai 1894.

## Awdur

Robert David Griffith, (1877 - 1958)

## Ffynonellau

M. O. Jones, *Bywgraffiaeth Cerddorion Cymreig* (1890)

*Alawon fy Ngwlad* (1896)

R. Griffith, *Llyfr Cerdd Dannau* (1913)

R. Williams, *Montgomeryshire Worthies* (1894)

## Darllen Pellach

Romani Cymru / Romany Wales Project [The Roberts Tribe](#)

Wyn Thomas, [John Roberts: 'Telynor Cymru' 1816-1894](#), *Hanes Cerddoriaeth Cymru*, 1, 1996, tt.164-171

Erthygl Wicipedia: [John Roberts](#)

## Dolenni Ychwanegol

Archifau LIGC: [John Roberts \('Telynor Cymru'\) Papers](#)

VIAF: [18491215](#)

Wikidata: [Q28361398](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

